



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Benedictus Redivivus Hoc est: Benedictinij Ordinis  
Vetustißimi Amplißimique, Nostra, ac supera ætate  
Jmmarcescibilis Vigor, ac Viror**

**Bucelin, Gabriel**

**[Veldkirch], Anno Christi. M.DC.LXXIX.**

Iesu Christi Annus. M.D.XC. Sancti Patris Benedicti. M.C.X.

**urn:nbn:de:hbz:466:1-38498**

ratis liminibus, ad Lauretanam Deiparae sese ædem convertit, inde in Hispanias iter direxit, ubi concitante Numine, in feracissimo sanctorum Nucleensi Canobio cucullum exambijt, tantòsque statim ad omnem vitæ sanctitatem progressus fecit, ut nemini non & admirationi esset & venerationi. Postea ad Collegium Philosophicum Meyrense in Gallecia missus, insignes etiam in litterarum studijs progressus fecit. Cœpit jam tunc totus æstuarè Zelo Apostolico, & Patriæ suæ miseriam considerando & errores, totus ejusdem juvenatæ fervescere de fiderio; quod animadvertens cacodemon, omnibus modis ipsum avertere studuit, imo gravissimis vexatum tentationibus ad carnis illecebras divertere, cumque apud castissimum juvenem nihil proficeret, cœpit non aliter atque supradictum Martinum Novitium summis injurijs afficere, varijs & horrendis larvis terrere, dirisque verberibus afficere, ita ut frequenter Fratres ferè exanimem, & nudum in proprio volutarum sanguine reperirent. Cura ei Monachos ad vigilias excitandi demandata erat: nactus occasionem hostis, nocturnis tenebris orationi intento, & horam ad excitandum Fratres præstolanti, horrenda monstra & foedissimas imagines proponebat, & diversis modis eum terrere conabatur, Quadam nocte horologij scalam ascendenti occurrit Dæmon, & eum ictibus & flagellis acriter cæsum per gradus dejecit. Nihilominus mente fortior peritat Candidus, & infernales catervas, sciscitanti, num eas timeret? asseruit se Divina fretum Virtute, quas initio aliquantulum formidaverat visibilibus apparentes jam ut muscas parvi pendere, atque à se abigere. Decurso Philosophico cursu Salmanticam ad sublimiora studia mittitur, ubi virtutum suarum odore, plures à vitiorum præcipitio ad perfectionis studia traxit, sibi rigidior multo quam antea, causam rogatus, ut facilius graviora pro Fide in patria toleraret, respondit. Sed plura de eodem inferius.

*In litteris  
Progressus.*

*Mirus vitæ  
rigor.*

*Cum Caco-  
damone  
lucta*

*Ven. Aloysij  
Carassæ  
Nativitas.*

Natalis hic idem annus 1589. fuit, magni revera deinceps nostræ atate syderis, Venerabilis viri & Illustrissimi Principis Scipionis Carassæ, in religione postea Aloysij dicti, qui hoc

ipso anno in lucem editus parentem habuit, Fabricium Carassam Andriæ Ducem, matrem Mariam Carassam item, Stigliani Principem, Christianæ perfectionis exemplar à qua pietatem cum lacte suxit, editis ab ipsa infantia insignibus futuræ sanctitatis signis, & singularis à Numine benedictionis. *Ex Vita Neapoli impressa, Auctore D. Angelo Perfecto, Priore Casinense, &c.*

Moritur eodem anno Romæ Illmu Thadaus Pepulus è sacra familia nostra Olivetana Episcopus Carinulæ, vir præstantissimus. *Ex Lancelotto.*

*IESU CHRISTI ANNUS. M. D. XC.  
Sancti Patris Benedicti. M. C. X.*

**R**ursum, admirandâ prorsum, ac piissimâ virorû, & quidem Religiosissimorum æmulatione, consequentæ proximè, nisi & transgressæ Generositatem eorundem nostræ Viragines, quantumcumq; illi nei vos vireiq; intenderent, vinci tamen Viragines nostræ passæ non sunt, sed extrema conata. Ex his Sanctæ memoriæ Teresæ sive Teresæ de Toledo, Marchionissâ de Velado, Illustrissimo Ducum, & Principum generè nata, sed illustrior Beatiorque Christi servitute, Monialis ac dein Abbatissâ S. Annæ Abulensis, singulariter exsplenduit. Fuit hæc tanto in genere, generosissima sui contemptrix, videri omnium minima & vilissima gestiens, unde etiam dignissima ab omnibus judicata est Monasterio præellè & vitam omnium ad suam instructionem & exemplum vitæ dirigere. Nec minus pietate & devotione, quàm animi demissione excelluit, talis per omnia, ut nata ad Regendum videretur, etsi ipsâ omnibus parere, & subesse deligeret. Ejus exemplo plurimæ magni nominis & potentia Virgines, jugum Domini amplecti ausæ sunt, insignesque de mundo, carne & dæmone victorias reportarunt: *Ex vita Michaelis Gonzalez, Vaquero, & Vita B. Mariæ Vela &c.*

Pergit ad præmia Beatorum hoc anno Venerabilis Marcus de Villalba Monachus Montis Sion, vir pietate & Religione præcipuus, unde evenit, ut honoribus & dignitatibus quam plurimis ab omnibus honoraretur, fuitque Sacræ familiæ nostræ Cisterciensis in Hispanijs Reformator Generalis, quâ

*Sacram  
Deo Virgi-  
nem vo-  
stram  
pia exulta-  
tio.*

*V. Teresæ  
de Toledo.*

*V. MARON  
de Villalb.*

in dignitate verum se omnium patrem comprobans & demonstrans, amorem sibi omnium conciliavit. Magno in honore habitus fuit à Philippo II. Rege Hispaniarum, quod magnam ejus Sanctitatem & in Regendo dexteritatem exploratam haberet; ideoque ei tunc vacantem Fiteri Abbatiam contulit, ut ejus exemplo & industria Sancta Regula in domo illa majori cum restrictione servaretur. Tanta erat erga pauperes charitate, ut ferè totum Cœnobij censum in eorum necessitates impenderet, nulla sui ipsius habita ratione, quod ipse non plus quàm minimus Monachorum, etsi Abbas, infunderet. Reliquit reformatissimum Monasterium, cum vita excederet, incredibili omnium mœrore tumulatus, tanto etiam majore cum gaudio & plausu, incertum qua de causa exhumatus, cum fortè fortuna tumulus ejus aperiretur; repertum siquidem sacrum ejus corpus est Septennio post mortem adeo integrum & incorruptum, quasi ea ipsa Die fuisset sepultum. Proin denuo terra conditum viva calce addita, ut facilius consumeretur, repertum, tamen multo post denuo est, & ut dextra Dei id factum intelligas, uti antea, incorruptum.

*Ex monim. Eiusdem Monast.*

Immortale & Apostolicum sanè meritum Sanctissimæ Congregationis nostræ Montis Sion in Hispania, ex qua hoc ipso tempore plurimi ad conversionem Gentium longè lateque & in Hiberniam in primis missi Zelum verè Apostolicum per innumera, vitæ pericula & labores ingentes solidè cœlo terris probavere & innumerabiles fere homines cum in fide confirmavere, tum ad gremium Sacræ Romanæ Ecclesiæ adduxere. *Ex varijs rerum Hispan. Scriptoribus.*

Matthæi Mollartij Episcopi Atrebatensis ex Abbate Gisleniano ingens in Episcopatu administrando virtus & gloria enitet, & ipse Apostolico Zelo & exemplo totum se ad purgandum agrum Dominicum convertens, optimè de Ecclesiâ & inferiore Germania meretur dum serpens longè lateque Hæreseos venenum summa industria avertit, totusque est, in aptissimis huic rei pastoribus efformandis & justitendis. *Ex rer. Belg. Script.*

Nec minor fama ex pari virtute &

Episcopali industria Joannis Baptistæ Bertuzuli Cæsénatis, Fanensium in Marchia Anconitana Pontificis, qui ob morum dignissimam gravitatem, & sapientiæ Doctrinam super candela-brum positus orbi, atque Ordini Illustrissimum lumen præbuit, & de sibi subjectis præclarè meruit. *Ang. de Carp. Arnoldus. Duac. Monim. Fanens. &c.*

Claret hoc ipso tempore Venerabilis Pater Didacus de Cespedes Vallis Ecclesiarum in Hispanijs monachus, vir eruditissimus, qui cum miro ferretur in Sanctissimam Deiparam affectu, totus in hoc incubuit, ut ejus quoque amorem alijs commendaret, & tantam Virginem & Imperatricem, quantum humanæ vires permitunt, ornaret, atque extolleret. Scripsit proin insignem de Eiusdem Laudibus Librum, & alterum de Miraculis B. M. V. Monasterij Montis Salutis, quo in loco grandibus prodigijs Matrem filius Virginis honorat. *Chryst. Henrig. Phœnix.*

IESU CHRISTI ANNUM. M. D. XC. I.

Sancti Paris Benedicti. M. C. X. I.

Supremus hic annus in terris est, primus in cælis & felici immortalitate Sanctæ memoria Patri Laurentio Gonzalez, Abbati Vallis Bonæ in Hispania, viri eximia vitæ sanctitate conspiciui, qui post egregia atque admiranda pietatis opera, suam & aliorum trium Seniorum Religiosorum mortem diserte prædicens, in morbum incidit, & cum jam ad ultimum vitæ perveniret, flexis genibus, oculisque ac manibus ad cœlum erectis, hilarivultu Fratres circumstantes alloquutus: Fratres, inquit, video Gloriâ Dei, cumque his ipsis verbis beatum animum Creatori reddidit. quinto iduum Decembris, cujus felicissimo in transitu multa acciderunt, quæ animi puritatem, & egregia pij Patris merita denotarunt. *Ex Fascic. & Menoh. Henrig.*

Memorabili prorsus ætatis ante- versione, ante annos matura, sagax, prudentula & mirè devota, præter omnem Religiosorum consuetudinè, hoc ipso anno millésimo quingentesimo nonagesimo primo, ætatis suæ sexto, die vigesima tertialanuarij, Renata Lotharinga Sanctæ Religionis habitu solènter induitur, Nata fuit anno 1585, ipso solemnissigao Pentecostis Festo, fau-  
sto

*In pauperes beneficiis.*

*Corpus à morte incorruptum.*

*Hic Monast. Sion.*

*Matthæi Episc. Atrebat. merita.*

*Didacus de Cespedes.*

*Laurentius Gonzalez Abbas.*